

Guangjisi Minzcu Bau

ganhhau: CN45-0036 B.2017 Nd.3 Ng.22 liggaeuq dingyoux nienz ndwenngaih ngeihngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3266期

Ciet Vwnzva Byaraiz Cungzcoj Bi 2017 Yaek Haimuq Geijcib Aen Cezmuz Ndeiyawj Angq Mbouj Dingz

2017年崇左花山文化节即将启幕 数十项精彩节目嗨不停

Bonjbauq siusik (gicej Cau Dwzfeih) 3 nyied 16 hauh banhaet, Cunghgung Cungzcoj Siveij、Si Cwngfuj youq Cungzcoj banh aen hoih fatbough sinhvwnz ciet vwnzva Byaraiz Cungzcoj bi 2017. Cungzcoj Siveij cangzveij、senhconzbu buchangj、fusicangj Lij Cindangz, Si Minzcunghveij cujyin Cau Gan, Si Vwnzva Sinhvwnz Cuzbanj Gvangjdengiz gizcangj Luz Hansinh, Si Lijfazveij cujyin Funz Boh, Cungzcoj gak yienh(si、gih) cwngfuj lingjdauj faenguenj、senhconzbu lingjdauj faenguenj daengj camgya aen hoih fatbough sinhvwnz.

Gwnz aen hoih fatbough sinhvwnz, Lij Cindangz yiengq 36 aen cunghyangh、Yanghgangj youq Guengjsae、Guengjsae gak gaep gak loih sinhvwnz meizdij gaisau gij laizlig ciet vwnzva Byaraiz Cungzcoj nem gij cingzgvang binaengz banh haenx caeuq gij neiyungz cujyau nem daegdiemj ciet vwnzva Byaraiz Cungzcoj bi 2017. De doengzseiz naeuz, ciet vwnzva Byaraiz bineix cujiz fuengsik gyonj hwnjdaej naeuz, couhdwg: Cwngfuj guhdaez、bumwnz fucwz、gwnzbiengz camgya、ciuq hawciengz guh.

Gicej daj yienhciengz aen hoih fatbough sinhvwnz rox, ciet vwnzva Byaraiz Cungzcoj bi 2017 yaek youq 3 nyied 30 hauh haimuq, baez ciet vwnzva Byaraiz neix miz vwnzyi、lijyouz、dijyuz、minzsuz、gaicawx、doxgyau vwnzva、minzcuz doxgiet cinbu gyauyuz daengj 7 aen hozdung hung, yaek banh “fwen daj Byaraiz daej”—— aen hoih cimyawj nem hoih yienjeiengq fwen gagcaux Byaraiz、doxdax eu fwen、aen hozdung geiqniemh gobo Louz Samcej doekseng、vwnzyi Byaraiz vangjloz cauxsij doxdax、langhbaej ingj siengq dozveh raiz saw mauzbit “hoenz Byaraiz”、gijgwn ndei doxdax、gag hai ci youz lajmbanj、youzcet yawj vwnzva lajmbanj、foux fouxsaux、bau aendomq、aen hozdung youq lajmbanj bin bya lienh ndang、aen denlij caeqbaeq cojcoeng Loegvet ciet vuengz Loegvet Byaraiz、baj gai doxgaiq okmingz doxgaiq ndei、“sam nyied sam Bouxcuengh • byaij loh sei vwnzva”—— beixnuengx Cuengh Dai anggyangz yien fwngz、“song hamq hom myokgveiq • daengx ranz caen Cunghvaz”—— Guengjsae Daizvanh raiz saw vehveh ingj siengq vwnzyi



doxgyau hozdung、bouxdaeuz vazgyauz Mbanjcuengh caez angq “sam nyied sam”、langhbaej gij cingzcik minzcuz doxgiet cinbu saehnieb、minzcuz doxgiet cinbu senhconz haeuj segih haeuj gvangjangz haeuj gunghyenz hozdung、duenz yawjngonz siujsoq minzcuz yawj hag hozdung daengj geijcib aen baenzdauq hozdung. Baenzdauq cezmuuz ndeiyawj neix, yaek hawj gyoengq bouxhek daj bet fueng daej haenx daejniemh baez ngaizhoengh vwnzva minzcuz he, youq yiengjsouh ngaizhoengh vwnzva seiz angq mbouj dingz.

Gwnz aen hoih fatbough sinhvwnz, Cungzcoj Si Vwnzva Sinhvwnz Cuzbanj Gvangjdengiz、Lijfazveij、Minzcunghveij danhvei bouxdaeuz caeuq Ningzmingz Yen、Bingzsiengz Siveij Senhconzbu nem Aen Gunghshw Mizhanh Gujfaenh Douzcienz Byaraiz Cojgyangh bouxfucwz hoizdap le gij vwndiz diemjrongh、dieg yawj ceiq hung ciet vwnzva Byaraiz Cungzcoj bi 2017, Cungzcoj Si baenzlawz hen yungh ndei vehbangxdat Byaraiz mbaw vwnzva mingzben seiqgyaiq gaep neix, guh ndei bien faenzcieng hwnghat lijyouz vwnzva, roengzrengz hwnjguh baenz gizdieg lijyouz vwnzva daengx seiqgyaiq mizmingz, Ningzmingz Yen bineix banh ciet vuengz Loegvet bi 2017 miz gijmaz daegsaek caeuq diemjrongh daengj gicej daezok haenx.

SIUSIK DINJ

简讯

● 3 nyied 19 hauh, gyoengq bouxguhnaz Mbanjdenzsinh Siz-mwnz Cunh Swbaz Cin Lozcwngz Mulaujcuw Swciyen youq gyang naz nyaengq cae naz. “Cinfaen” daej daengz, bouxguhnaz aen yienh neix nyaengq dwk raemx unq naz、bog dangxnaz cae naz、ndaem gyaj goemj bozmoz daengj, doenghnaz gvangqlangh diegdieg nyaengqnyinyi. Ciuq cam rox, bineix aen yienh neix dajveh ndaem doenghgo mienhcik 78 fanh moux, ndawde ndaem haeux mienhcik dingh youq 40 fanh moux doxhwnj.

(Se Sunhwnz)

● 3 nyied 18 hauh, Sanh-gyangh Duncuz Swciyen Linzhih Cin Cwngzyangz Bazcai Gingjih banh ciet golaux Duncuz ndwen-sam, vunzlai dangdieg yungh lanz roen coux hek、biujyienj yotfaiq、golaux Duncuz、dohyeh nem ngaizbakranz daengj cezmuuz lai yiengh, caeuq 1000 lai boux bouxhek angqgvaq ngoenz singhgiz. Daengz ndwenngaih daej, aen yienh neix gungh ciepdaih bouxhek 54.1 fanh vunzbaez, saedyienh lijyouz gwnzbiengz cungjsouhaej 2.6 ik maenz, doengzbeij faenbied demmaj 15% caeuq 13%.

(Gungh Bujgangh)

● 3 nyied 16 hauh, Cingsih Si Vadung Cin Buai Cunh Mbanj-bwzai, vunzmbanj doenggvaq aen bingzdaiz gaicawx denjswj lajmbanj youq gwnz muengx cawx doxgaiq. Mboengqneix, Cingsih Si Vadung Cin youq Lijhingz Cunh、Veizsinh Cunh、Ginzczw Cunh daengj mbanj laeb miz 4 aen bingzdaiz gaicawx denjswj, gaenx-maenx gya'gvangq diuz roen gai doxgaiq reihnaz dangdieg, coicaenh nungzyez gyalai yauqik、bouxguhnaz demsou.

(Vangz Anhcungh)

● 3 nyied 15 hauh, gyoengq bouxguhnaz Mbanjloeglingx Bah-myau Cunh Yifung Cin Denzyangz Yen yungh seiz mbwnbumz doek fwnmoeng gyalai ndaem hing. Seizcin dajndaem, aen cin neix gaenxmaenx sonyinx bouxguhnaz yungh ndei diegbo dangdieg, daw ndaem hing dangguh hanghmoeg gyalai souhaej ngaenzcienz ndaw ranz daej guh, seizneix daengx cin hoengh ndaem hing, ndaem hing baenz gij gveihmoz hawj vunz angq.

(Vangz Gozsun)

Fwenliuz Yangjnganz Haprwenz Ciengqyiengj Swhlinz Moq Gyaunde

仰岩嘹歌飞扬 唱响秀美新思林

3 nyied 16 hauh, ciet fwenliuz Yangjnganz Denzdungh bi 2017 youq Denzdungh Yen Swhlinz Cin Gvangjyangj Cunh Mbanjyangjnganz banh.

Hawfwen yienhciengz, foux lungz foux saeceij ndeiyawj gvaqlaeng, 20 doih canghfwen ndang daenj buhvaq minzcuz daj rog yienh ndaw yienh daej haenx hwnj daiz doxdax eu fwen, doiq fwen doxdax dungxcaiz, ceng dang “fwenvuengz”. Gyoengq canghfwen yungh gij fwen sikhaek guh haenx ciengq ok gij singsim

vuenyungz vunzlai, ciengq ok le vunzlai gyaepgouz saedcej gyaunde, laemxmboujseiz yungh gij swz mizyinx ndeiri haenx, hawj bouxyawj yienhciengz riu dwk dungx in bae, haujlai bouxyawj dawz soujgih okdaej ingj siengq louzniemh, gingjsaek “fwenhaij” Yangjnganz nauhyied raixcaix. Ginggvaq 3 aen cung doxdax, doeklaeng doih canghfwen bouxsai Vangz Yungzhingh、Liengz Swnghoz caeuq doih canghfwen mehmbwk Lingz Siulenz、Lingz Siujmei faenbied aeundaej

fwenvuengz fwenliuz doxdax “ciet fwenliuz Yangjnganz Denzdungh bi 2017”.

Ngoenzhaenx, ciet fwenliuz hozdung lij miz aen yizsi gouz fuk mbaenj fuk、langhbaej cozbij ingj siengq Sihlinz cingzcik “buet siujgangh • yawj doengzyieng”、baj gijgwn daegsaek daengj hozdung dem, moix dieg hozdung cungj gig nauhyied, yienhciengz vunz lai vunz daih, caezgya caez roxnyinh gij angqyangz gvaq ciet.

(Veiz Gingli)